

ხელშეკრულება №92/22
სახელმწიფო შესყიდვის შესახებ
(გამარტივებული შესყიდვა)

ქ. თბილისი

01 ნოემბერი, 2022 წ.

საჯარო სამართლის იურიდიული პირი - საქართველოს სახელმწიფო უსაფრთხოების სამსახურის სასწავლო ცენტრი (შემდგომში - სასწავლო ცენტრი; მის.: ქ. თბილისი, გმირი კურსანტების ქ. №4; საბანკო რეკვიზიტები - სახელმწიფო ხაზინა, კოდი - TRESGE22; ს/კ - 205421943), შემდგომში წოდებული „შემსყიდველად“, წარმოდგენილი სასწავლო ცენტრის უფროსის მოადგილის (დირექტორის მოადგილე) მერაბ ლაფანაშვილის სახით და მიმწოდებელი - შპს „ვერა 2005“ (მის.: ქ. თბილისი, ძველი თბილისის რაიონი, ანანურის ქ., №10/14; საბანკო რეკვიზიტები - სს „თიბისი ბანკი“; ბანკის კოდი: TBCBGE22; ა/ა: GE46TB060000107467097; ს/კ - 204467843; ტელ: (+995) 599 71 25 85; E-mail: event@demi.ge) წარმოდგენილი მისი დირექტორის ნანა არჯევანიძის სახით,

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, თანდართული ყველა დოკუმენტით, რომელიც ხელმოწერილია მხარეთა მიერ;
- 1.1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.1.3. „დღე“, „კვირა“, „თვე“ - კალენდარული დღე, კვირა, თვე;
- 1.1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.1.5. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;
- 1.1.6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. წინამდებარე ხელშეკრულების დანართი №1 - ით (ფასთა ცხრილი) განსაზღვრული საპროტოკოლო ღონისძიებით გათვალისწინებული მომსახურების შესყიდვა (CPV79952000).

3. ხელშეკრულების ღირებულება

- 3.1 ხელშეკრულების ღირებულება შეადგენს - 2 463.25 (ორი ათას ოთხას სამოცდასამი ლარი და ოცდახუთი თეთრი) ლარს;
- 3.2 ხელშეკრულების ღირებულება მოიცავს გასაწევი მომსახურების ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს;
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

- 4.1.1 შემსყიდველს გაუწიოს ხელშეკრულების დანართი №1-ით გათვალისწინებული მომსახურება 2022 წლის 01 ნოემბერს, მისამართზე: ქ. თბილისი, გმირი კურსანტების ქუჩა №4;
- 4.1.2 ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- 4.1.3 განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- 4.2.1 აუნაზღაუროს მიმწოდებელს გაწეული მომსახურების ღირებულება ხელშეკრულებით განსაზღვრულ ვადებში და ფორმით;
- 4.2.2 უზრუნველყოს ხელშეკრულების შესრულების კონტროლი;
- 4.2.3 განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

- 5.1 ხელშეკრულებით გათვალისწინებული მომსახურების ხარისხი უნდა შეესაბამებოდეს ხელშეკრულებით განსაზღვრულ პირობებს.

6. ხელშეკრულების შესრულების კონტროლი და მომსახურების მიღება-ჩაბარების წესი

- 6.1 შემსყიდველის მიერ მომსახურების ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში;
- 6.2 *ხელშეკრულების პირობების შესრულების კონტროლს განახორციელებს სსიპ - საქართველოს სახელმწიფო უსაფრთხოების სამსახურის სასწავლო ცენტრის ადმინისტრაციის (სამმართველო) თანამშრომელი გვანცა თოდუა, ხოლო გაწეული მომსახურების მიღება - ჩაბარების აქტის გაფორმებას უზრუნველყოფს ამავე*

სამმართველოს შესაბამისი უფლებამოსილი პირი/პირები;

- 6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. უხარისხოდ გაწეული მომსახურების აღმოჩენისას მიმწოდებელი ვალდებულია დაუყოვნებლივ გამოასწოროს წუნი;
- 6.4 ობიექტური მიზეზით 6.3 პუნქტით განსაზღვრულ ვადაში წუნის გამოსწორების შეუძლებლობისა და შემსყიდველის მიერ მომსახურების ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული მომსახურების ღირებულება შემსყიდველის მიერ მითითებულ გონივრულ ვადაში;
- 6.5 შემსყიდველი უფლებამოსილია განაცხადოს უარი უხარისხო ან დაგვიანებით გაწეული მომსახურების ნაწილის ან მთლიანი მოცულობის მიღებაზე;
- 6.6 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით;
- 6.7 ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, მომსახურების მიღებასთან ერთად დასტურდება ხელშეკრულების შესრულების კონტროლის განხორციელება;
- 6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება

- 7.1 **ანგარიშსწორება განხორციელდება შემდეგი პირობებით:**
 - 7.1.1 ანგარიშსწორების ვალუტა - ლარი;
 - 7.1.2 ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;
- 7.2 შემსყიდველი იღებს ვალდებულებას გადაუხადოს მიმწოდებელს ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან **10 (ათი) სამუშაო დღის** განმავლობაში, ხოლო იმ შემთხვევაში, თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი) სამუშაო დღის** განმავლობაში;
- 7.3 **დაფინანსების წყარო: 2022 წლის სახელმწიფო ბიუჯეტი.**

8. ხელშეკრულების შესრულების შეფერხება

- 8.1 ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9. ხელშეკრულების პირობების შეუსრულებლობა

- 9.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული მომსახურების გაწევის ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე, შეუსრულებელი ვალდებულების ღირებულების **0.2%-ის** ოდენობით;
- 9.2 შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების არაჯეროვნად შესრულების ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის** ოდენობით;
- 9.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით;
- 10.2 წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

- 11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით;
- 11.2 თუ მოლაპარაკებით შემსყიდველი და მიმწოდებელი ვერ შეძლებენ სადავო საკითხის გადაწყვეტას, ნებისმიერ მხარეს დავის გადაწყვეტის მიზნით შეუძლია დადგინილი წესით მიმართოს სასამართლოს.

12. ხელშეკრულების შეწყვეტა

- 12.1 შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.2 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს;
- 12.2 შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა;
- 12.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე;
- 12.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13. ხელშეკრულების მოქმედების ვადა

13.1 წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2022 წლის 31 დეკემბრის ჩათვლით.

14. ფორს-მაჟორი

- 14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით;
- 14.2 წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;
- 14.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

- 15.1 ხელშეკრულება შედგენილია ელექტრონულად ქართულ ენაზე, რომელიც მხარეების მიერ დადასტურებულია ელექტრონული კვალიფიციური ხელმოწერით/შტამპით.

16. ინტერესთა კონფლიქტი

- 16.1 „სახელმწიფო შესყიდვების შესახებ“ საქართველოს კანონის მე-8 მუხლის თანახმად მიმწოდებელთან ინტერესთა კონფლიქტში არ ვიმყოფები.

შემოთავაზებული ფინგერ-ფუდ მენიუ განფასებით

დასახელება	გრამი	რაოდენობა ცალი	ერთეულის თანხა დღგ-ს ჩათვლით	თანხა
მინი კანაპე				
პროშუტოს და ნესვის კანაპე	25	60	2.50	150.00
შებოლილი ორაგულისა და მანგოს კანაპე	25	60	2.50	150.00
მინი ღვეზელი				
მინი ხაჭაპური ფენოვან ცომში	45	45	2.00	90.00
მინი ხორცის ღვეზელი	45	45	2.50	112.50
მინი როლი				
მინი დამარინადებული ორაგულის და კრემ-ყველის როლი	30	80	2.50	200.00
მინი ქათმის ფილეს როლი ფერადი ბოსტნეულით	30	50	2.50	125.00
მინი სქევერი				
ქათმის მინი მწვადი ხის ჩხირზე	45	50	3.00	150.00
საქონლის ხორცის მინი ქაბაბი ხის ჩხირზე	45	45	3.00	135.00
მინი ტარტალეტკა				
მინი ფილო ტარტალეტკა კრემ-ყველით და წითელი ხიზილალაით	45	25	3.50	87.50
მინი ფილო ტარტალეტკა სალათის მიქსით და პომიდვრის ჩირით	45	25	3.50	87.50
მინი დესერტი				
მინი ტარტალეტკა სეზონური ხილით	35	20	2.50	50.00
მინი პავლოვას მერინგის ტორტი ყოლოთი	35	20	2.50	50.00
			თანხა	1387.50

ლოჯისტიკის ნაწილი	რაოდენობა	ერთეულის ფასი დღგ-ს ჩათვლით	თანხა
დესერტის თეფშების არენდირება	60 ცალი	0.50	30.00
თეფშების არენდირება	60 ცალი	0.50	30.00
წვენის ჭიქების არენდირება	60 ცალი	0.50	30.00
ღვინის ჭიქების არენდირება	80 ცალი	0.50	40.00
კოქტილის მაგიდების არენდირება სუფრებით	5 ცალი	35.00	175.00
მაგიდების არენდირება სუფრებით	2 ცალი	40.00	80.00
ტრანსტორტირების ხარჯები	----	-----	115.00

მიმტანების მომსახურება	2 მიმტანი	100.00	200.00
დამატებით ტორტის სერვირებისთვის დანა და ასაღებები			
თანხა			700.00
საერთო თანხა			1387.50+700.00=2087.50

მომსახურების თარიღი	მომსახურების დასახელება	ღირებულება 1 პერსონაზე დღ-ს ჩათვლით	მონაწილეთა რაოდენობა	თანხა
01.11.2022	ფინგერ-ფუდი რესეფშენი	41.75	50 პერსონა	2087.50
დღ 18%				375.75
საერთო თანხა				2 463.25

შემსყიდველი:

საჯარო სამართლის იურიდიული პირი
საქართველოს სახელმწიფო უსაფრთხოების
სამსახურის სასწავლო ცენტრის უფროსის
მოადგილე (დირექტორის მოადგილე)

მერაბ ლაფანაშვილი

(გამოყენებულია ელექტრონული კვალიფიციური ხელმოწერა/შტამპი)

მიმწოდებელი:

შპს „ვერა 2005“

დირექტორი

ნანა არჯევანიძე